
Ердан самарали фойдаланган деҳқон-тўкин ва фаровон оила бошлиғи!

Давлатимиз Раҳбарининг 23 март куни қишлоқ хўжалигини жадал ривожлантириш ва ислохотларни чуқурлаштириш бўйича ишлар натижадорлигига бағишланган йиғилишида берилган топшириғига биноан Риштон туманида мавжуд ҳосилдор томорқалар ва деҳқон хўжаликларига сабзавот, тўқсонбости экинлари экиш тарғиботлари кучайтирилди ва бу борада амалий натижаларга эришилди.

Албатта, Коронавирус пандемиясига қарши курашишда озиқ-овқат хавфсизлигини таъминлаш, аҳоли бандлиги ва даромадини оширишнинг муҳим манбаи бу -томорқачилиқдир.

Риштон туманида озиқ-овқат маҳсулотларига бўлган ички талабни тўлиқ таъминлаш, аҳоли даромадлари ва фаровонлигини ошириш учун катта резерв ва имкониятлар мавжуд. Барча фермер ва деҳқонларимиз карантин қоидаларига қатъий амал қилган ҳолда ўз даласида, аҳолимиз эса томорқасида баҳорги экиш ишларини жадал давом эттирмоқда.

Томорқадан самарали фойдаланмаётган хонадон эгалари эса расман огоҳлантирилиб, ундан кейин ҳам экин экмаганларга ер солиғи оширилган ставкада қўлланилиши тушинтирилмоқда. Томорқасига чорва озукаси эккан фуқароларимизга ердан унумли фойдаланаётган, йил давомида икки-уч марта ҳосил олаётган деҳқону миришкорларимиз фаолияти ўрнатилмоқда.

Албатта, туманимиз ерлари серҳосил. Тупроқ-иқлим шароити тўрт фаслда ҳам сабзавот экинлари етиштириш учун ғоят қулай ҳисобланади. Мавжуд ерда меҳнат қилиб, пиёз, сабзи, картошка, саримсоқпиёз ёки турли кўкатларни экиб, рўзғорда фойдаланиш кони фойда. Аслида булар, фақатгина озиқ-овқат маҳсулоти бўлмай, инсон саломатлиги учун ҳам фойдали сабзавотлар, иммунитет учун кони фойда озиқ-овқатлар ҳисобланади. Томорқадан самарали ва унумли фойдаланиб, йил давомида бир неча маротаба ҳосил олиш имкони мавжуд. Шундай экан, ҳар бир томорқа эгаси мавжуд экин майдонидан унумли фойдаланиши ҳалқимиз дастурхони тўқинлиги ва шахсий даромад манбаидир.

Риштон тумани ҳокимлиги АХБОРОТ ХИЗМАТИ

2020-04-18 06:31:24